

AKHBAR : BERITA HARIAN
MUKA SURAT : 12
RUANGAN : ISU

KES PENCEMARAN UDARA DI PASIR GUDANG

30 kilang disyaki jadi punca

• Johor keluar arahan mandatori pastikan agensi tegas buat siasatan

Oleh Mohamed Farid Noh,
 Mohd Fahmi Mohd Yusof,
 Nurul Amanina Suhaini
 dan Noor Atiqah Sulaiman
 bhnews@bh.com.my

↳ Pasir Gudang

Kerajaan Johor mengeluarkan arahan mandatori perlu kuatkuasaan segera terhadap 30 kilang di sekitar Pasir Gudang yang berpotensi mencearkan alam sekitar.

Menteri Besar, Datuk Dr Sah-

ruddin Jamal, berkata 30 kilang kimia berkenaan disenaraikan pendek hasil pemantauan dilakukan terhadap 265 kilang di kawasan terbabit.

"Kerajaan negeri mengeluarkan arahan mandatori untuk memastikan semua agensi berkaitan tegas dalam membuat penguatkuasaan segera terhadap semua kilang yang berpotensi dalam gangguan alam sekitar bermula hari ini (semalam).

"Sehingga kini, siasatan menuju-

rus kepada 30 kilang disyaki men-



Pelajar SMK Pasir Putih, Pasir Gudang, diarah pulang oleh pihak sekolah, semalam.

jadi punca kepada pencemaran udara di sekitar Pasir Gudang," katanya pada sidang media di Stadium Tertutup Majlis Perbandaran Pasir Gudang (MPPG), di sini semalam.

Keadaan udara normal

Yang turut hadir, Menteri Kesihatan, Dr Dzulkefly Ahmad serta Timbalan Menteri Tenaga, Sains, Teknologi, Inovasi, Alam Sekitar dan Perubahan Iklim, Isnaraisah Munirah Majilis, semalam.

Dr Sahruddin berkata, sebanyak

tiga kali pemantauan kualiti udara dibuat sehari sejak Khamis lalu, malah ia diperluaskan sehingga radius 15 kilometer dengan keadaan udara semalam adalah normal.

Keadaan mangsa stabil

"Mengenai mangsa pula, seramai 75 pesakit dirujuk ke Hospital Sultan Ismail (HSI) hari ini (semalam) dengan hanya empat individu menerima rawatan lanjut di wad dan semuanya dalam keadaan stabil," katanya.

Sementara itu, Dr Dzulkefly berkata, sebanyak 134 partikel per juta (PPM) sebatian kimia yang dikesan dalam sampel air kencing dan darah mangsa terjejas akibat pencemaran terburu dan ia terlalu kecil untuk mengesan sebatian kimia berbahaya secara khusus.

"Malah sebatian kimia yang ditemu juga adalah bersifat separa hayat, iaitu sekitar lima jam dan tidak kekal dalam tubuh (manusia), menjadikannya tidak berbahaya seperti bencana di Sungai Kim Kim," katanya.

AKHBAR : BERITA HARIAN
MUKA SURAT : 17
RUANGAN : ISU

WABAK CHIKUNGUNYA

9 lagi disyaki kena jangkitan

• 23 pesakit hidap demam bawaan nyamuk hingga jam 5 petang kelmarin

Oleh Muhammad Mustakim Ramli
m.mustakim@bh.com.my

Afor Setar

Sembilan lagi disyaki dijangkiti Chikungunya, menjadikan keseluruhanya 23 pesakit dijangkiti penyakit bawaan nyamuk itu sehingga jam 5 petang kelmarin. Pengarah Jabatan Kesihatan Kedah, Datuk Dr Norhizan Ismail, berkata daripada jumlah itu, 15 pesakit disahkan positif chikungunya menerusi hasil ujian darah selepas mereka mengalami simptom demam, sakit sendi teruk dan ruam.

"Aktiviti kawalan vektor dijalankan dengan pemeriksaan 324 premis di kawasan berkenaan dan 16 daripadanya positif pembiakan."

"Pada masa sama, sebanyak 10 premis dikenakan kompaun mengikut Akta Pemusnahan Se-rangga Pembawa Penyakit (APS-PP 1975) kerana menjadi tempat pembiakan nyamuk," katanya dalam kenyataan di sini semalam.


Dr Norhizan berkata, selain itu, aktiviti semburan kabut juga dijalankan pada jarak sekitar 200 meter dari kawasan rumah kedai di Jalan Tunku Ibrahim berhampiran City Plaza.

BH semalam melaporkan, 14 individu dari deretan rumah kedai di Jalan Tunku Ibrahim disyaki menghidap chikungunya apabila mengalami simptom demam berkenaan.

Dipantau Jabatan Perkhidmatan Veterinar

Sementara itu, pemilik rumah sarang burung walet di Jalan Tunku Ibrahim, menafikan perrusahaan itu menjadi punca pembiakan nyamuk hingga berlaku penyakit chikungunya di kawasan berkenaan.

Teoh Shou Khang, 38, berkata adalah mustahil beliau dan tujuh pemilik rumah burung lain di kawasan itu tidak menjaga kebersihan premis masing-masing berikut ia dipantau Jabatan Perkhidmatan Veterinar.



Sumber: Kementerian Kesihatan Malaysia

DEEN GRAFIK BH



Aktiviti kawalan vektor dijalankan dengan pemeriksaan 324 premis di kawasan berkenaan dan 16 daripadanya positif pembiakan"

Dr Norhizan Ismail,
Pengarah Jabatan Kesihatan Kedah



(FOTO BERNAMA)

Shou Khang (kiri) dan Chew Chin Lai di hadapan rumah sarang burung walet di Jalan Tunku Ibrahim, Alor Setar.

"Saya menjalankan perniagaan sejak 15 tahun lalu dan dalam tempoh tertentu, pegawai veterinar datang membuat pemantauan. Jika tidak bersih, mustahil burung walet datang membuat sarang."

"Kami sedia memberi kerjasama kepada Jabatan Kesihatan Kedah sekiranya mahu melihat keadaan dalam sarang. Saya juga tidak menyalahkan manapun pihak yang mendakwa sarang burung menjadi peny-

bab penyakit," katanya.

Shou Khang berkata, sehingga kini beliau tidak dijangkiti chikungunya sedangkan pejabatnya hanya terletak di depan bangunan rumah burung.

Jangan panik, usaha cegah penularan dipertingkat

Afor Setar: Kerajaan negeri meminta orang ramai tidak panik dengan penularan demam chikungunya yang dilaporkan berlaku ketika ini kerana usaha mencegah penyakit itu giat dilakukan.

Pengerusi Jawatankuasa Kesihatan, Pembangunan Luar Bandar, Agama dan Syarikat Berkaitan Kerajaan negeri, Datuk Dr Ismail Salleh, berkata Jabatan Kesihatan Kedah sudah mengambil tindakan segera bagi mengawal penularan penyakit itu.

Katanya, Pejabat Kesihatan Daerah (PKD) Kota Setar juga mengadakan pertemuan bersama penduduk di sekitar Jalan Tunku Ibrahim sehingga Jalan Langgar bagi memberi kesedaran dan pendidikan kepada mereka.

"Kita minta rakyat tidak panik kerana ketika penyakit ini dikesan kelmarin (Sabtu lalu) masyarakat seolah-olah bersama demam chikungunya ini penyakit ganjil sedangkan ia bukan luar biasa.

"Punca penyakit ini dan penyebarannya disebabkan nyamuk Aedes yang sama menyebabkan demam denggi, cuma nyamuk ini menyebarkan pula virus chikungunya," katanya selepas meninjau kawasan bangunan terbabit, semalam.

Simptom demam

Kelmarin, Pengarah Jabatan Kesihatan Kedah, Datuk Dr Norhizan Ismail dalam kenyataannya berkata, 14 pesakit berusia 35 hingga 50 tahun yang menetap di kawasan Jalan Tunku Ibrahim dikesan mengalami simptom demam, sakit sendi teruk dan ruam.

Siasatan awal mendapati gejala bermula 9 Jun lalu, disebabkan virus chikungunya, namun beliau tidak menolak kemungkinan penyakit lain dengan sampel sudah dihantar ke Majlis Kesihatan Awam Kebangsaan Sungai Buloh, Selangor.

Dr Ismail berkata, beliau sudah melakukan tinjauan sekitar 200 meter kawasan yang dilaporkan terjejas dan mengesahkan adanya takungan air di bangunan rumah kedai tinggal terbatas.

"Kita akan terus menyiasat punca virus itu tersebut yang dipercayai dibawa dari kawasan lain. Mungkin ada yang bawa balik virus ini dari luar sama ada melawat negara lain atau sebagainya dan kita akan siasat di mana mereka pergi sebelum ini."

"Pada masa sama, pihak PKD Kota Setar juga akan meluaskan kawasan tinjauan sehingga 400 meter berbanding 200 meter," katanya.




Jabatan Kesihatan Kedah sudah mengambil tindakan segera bagi mengawal penularan penyakit itu"

Dr Ismail Salleh,
Pengerusi Jawatankuasa Kesihatan,
Pembangunan Luar Bandar, Agama dan
Syarikat Berkaitan Kerajaan Kedah

AKHBAR : HARIAN METRO

MUKA SURAT : 14

RUANGAN : SETEMPAT



DUA pemilik rumah burung walet, Teoh Shou Khang (kanan) dan Chew Chin Lai manafikan rumah burung walit yang diusahakan mereka di deretan kedai berdekatan City Plaza di Alor Setar menjadi punca wabak chikungunya.



DEMAM CHIKUNGUNYA

9 lagi positif

■ Keputusan ujian darah jadikan jumlahnya 23

Noorazura Abdul Rahman
am@hmetro.com.my

Alor Setar

Sembilan lagi individu disyaki menghidap penyakit Chikungunya menjadikan jumlah keseluruhannya 23 dijangkiti demam sehingga jam 5 petang, kelmarin.

Penularan wabak itu dikesan selepas mereka dikejar mempunyai simptom demam, sakit sendi teruk dan ruam.

Pengarah Jabatan Kesihatan Negeri (JKN) Kedah, Datuk Dr Norhizan Ismail berkata, daripada jumlah itu, 15 positif mengalami penyakit Chikungunya menerusi hasil ujian darah.

Katanya, perkembangan itu diperoleh hasil ujian makmal dan JKN negeri mengesahkan ia wabak Chikungunya yang didapati berlaku di deretan rumah kedai di Jalan Tunku Ibrahim berhampiran City Plaza di bandar raya ini.

"Aktiviti kawalan vektor dijalankan dengan menjalankan pemeriksaan premis di kawasan terbaik."

"Sebanyak 342 premis dan 1,355 bekas air bertakung diperiksa, 16 daripadanya positif kawasan pembiakan nyamuk

"Pada masa sama, 10 premis dikenakan kompaun

mengikut Akta Pemusnahan Serangga Pembawa Penyakit (APSPP 1975) kerana menjadi tempat pembiakan nyamuk," katanya, semalam.

Dr Norhizan berkata, aktiviti semburan berkabus juga dijalankan sekitar 200 meter dari kawasan terbaik.

Kelmarin, Harian Metro melaporkan 14 dari deretan rumah kedai terbabit disyaki menghidap demam Chikungunya.

Dr Norhizan berkata, gejala itu bermula 9 Jun lalu dan mereka mendapat rawatan pesakit luar di klinik swasta sekitar Alor Setar dan dilaporkan stabil.

FAKTA
342 premis
dan 1,355 bekas air
bertakung diperiksa

CHIKUNGUNYA

info

- Chikungunya adalah penyakit yang disebabkan oleh virus chikungunya yang disebarluaskan melalui gigitan nyamuk Aedes yang juga pembawa virus demam denggi.
- Nyamuk itu boleh terbang sehingga **200 meter** untuk menyebarkan penyakit itu.
- Perkataan chikungunya berasal daripada bahasa Mozambique yang bermaksud sakit sendi yang kuat.
- Simptom chikungunya termasuk demam yang mencelah **39 darjah Celsius**, keradangan biasanya digambarkan sebagai petekia atau makulopapular biasanya membabitkan kaki, tangan dan badan serta artralgia atau artritis yang menyerang pelbagai sendi hingga boleh melumpuhkan sekiranya teruk.



AKHBAR : HARIAN METRO
MUKA SURAT : 11
RUANGAN : SETEMPAT

Tahap toksik tak tinggi

Pasir Gudang: Sebatian kimia yang dikesan pada mangsa yang terjejas dalam insiden pencemaran udara sejak khamis lalu adalah pada tahap yang tidak bertoksik tinggi dan tidak kekal dalam tubuh.

Menteri Kesihatan, Datuk Seri Dr Dzulkefly Ahmad berkata, sebatian kimia itu hanya mampu bertahan dalam tubuh badan selama kira-kira lima jam sebelum dikumuhkan.

"Ada beberapa jenis bahan kimia yang kita syaki punca kepada masalah gangguan kesihatan ini, tetapi kita masih di saat akhir untuk kenal pasti bahan kimia yang mana puncanya.

"Yang penting dari sudut klinikal, keracunan toksik serta perubatan itu di tahap yang tidak bertoksik tinggi.

"Paras sebatian kimia yang kita temui juga hanya 134 partikel perjuta (ppm) dan bersifat separa hayat pendek dalam tubuh badan selain dikumuh dalam masa lima jam, sebab itu kita tidak temui dalam sampel darah dan air kencing pesakit.

"Kesan muntah dan sesak nafas memang ada pada sifat sebatian kimia itu, tetapi bukan pada tahap yang berlaku seperti di Sungai Kim Kim yang sehingga ada masuk Unit Rawatan Rapi (ICU) dan sebagainya," katanya pada sidang media di Pusat Gerakan Operasi Pemantauan di Stadium Perbandaran Pasir Gudang, semalam.

Turut hadir, Menteri Besar Johor, Datuk Dr Sahruddin Jamal dan Timbalan Menteri Tenaga, Sains, Teknologi, Alam Sekitar dan Perubahan Iklim, Isnaraissah Munirah Majilis. Sementara itu, Dr Sahruddin berkata, pihaknya akan mengumumkan sebatian kimia yang menjadi punca kepada insiden itu sebaik ia diperoleh.

"Punca insiden ini sudah pada tahap akhir untuk kita pastikan. Sebaik kita dapat tahu, kita akan umumkan. Ujian darah semua pesakit yang kita peroleh iaitu 15 ujian semuanya negatif dan tiada sianida serta dua bahan kimia iaitu acrylonitrile and acrolein yang ditemui pada insiden Sungai Kim Kim juga tidak ditemui kali ini," katanya.

FAKTA
Bahan kimia hanya kekal dalam badan selama lima jam sahaja

AKHBAR : HARIAN METRO

MUKA SURAT : 28

RUANGAN : SETEMPAT

Melaka

Gesa kemuka laporan kesihatan elak jangkit demam malaria

Majikan mahupun pengurus pekerja ladang di sini, digesa mengemukakan laporan kesihatan semasa pekerja masing-masing ke Pejabat Kesihatan Daerah di seluruh negeri.

Timbalan Pengarah Kesihatan Negeri (Kesihatan Awam), Dr Amirullah Mohd Arshad berkata, penyerahan laporan itu perlu terutama majikan yang mempunyai pekerja asing sebagai rujukan awal sekiranya berlaku penularan wabak termasuk demam malaria.

“Sama ada wujud kes demam atau tidak, majikan perlu segera menghantar laporan kesihatan bagi mengelakkan demam malaria yang berjangkit melalui jangkitan transmisi import.

“Kebanyakan kes malaria berlaku di kawasan mempunyai hutan mahupun ladang, berikutan parasit yang memasuki badan, membiak melalui gigitan nyamuk. Simptom bagi penyakit ini ialah pesakit mula demam panas berpanjangan malah

kadangkala mereka boleh mengalami demam yang berulang,” katanya.

Beliau ditemui selepas merasmikan Sambutan Hari Malaria Peringkat Negeri di Auditorium MITC, Ayer Keroh di sini, semalam.

Katanya, demam malaria boleh menjangkiti sama ada daripada jangkitan manusia kepada manusia mahupun monyet ke manusia.

Selain itu, Dr Amirullah berkata, individu yang pernah menjalani aktiviti di hutan seperti berkhemah, memancing dan sebagainya mudah dijangkiti dan perlu segera mendapatkan rawatan.

Katanya, pihaknya komited membendung penularan penyakit itu dan turut mengambil inisiatif pemeriksaan berkala dan program kesedaran kepada masyarakat.

“Setakat ini, kes malaria berlaku di Melaka terkawal dan tiada ancaman hampir lebih lima tahun. Namun sudah ada lima kes tahun ini membabitkan transmisi import dan tempatan,” katanya.

AKHBAR : HARIAN METRO

MUKA SURAT : 28

RUANGAN : SETEMPAT

Port Dickson

Dua lelaki alami keracunan metanol masih dirawat

Hanya dua lelaki yang mengalami keracunan metanol masih dirawat di Hospital Port Dickson (HPD), di sini dan Hospital Tuanku Ampuan Najihah (HTAN), Kuala Pilah, sejak minggu lalu.

Seorang lagi sudah dibenarkan pulang Jumaat lalu.

Ketua Polis Daerah Port Dickson, Superintendant Aidi Sham Mohamed berkata, mangsa yang dibenarkan pulang adalah R Sugumar, 33, dari India selepas kesihatannya semakin baik.

“Dia dibenarkan pulang pada jam 3 petang namun seorang rakan senegaranya, M Selvaraj, 50 masih dirawat di HPD bersama seorang lagi mangsa,” katanya dalam

kenyataan di sini, semalam.

Portal berita Harian Metro pada 17 Jun lalu melaporkan seorang lelaki warga Myanmar berusia 27 tahun meninggal dunia akibat keracunan metanol sebaik meminum arak beracun.

Tidak lama kemudian, remaja tempatan dari Jempol pula meninggal dunia dan tiga lelaki lain mengalami sesak nafas lalu dibawa mendapatkan rawatan di HPD serta HTAN.

Sehubungan kejadian, seorang wanita berusia 50 tahun dan anak lelakinya 19 tahun serta seorang wanita lain berusia 56 tahun direman polis empat hari bermula Jumaat lalu bagi membantu siasatan.

AKHBAR : HARIAN METRO

MUKA SURAT : 14

RUANGAN : NEGARA

Tidak semua sakit perlu antibiotik

GEORGE TOWN – Orang ramai perlu dikehalkan bahawa bukan semua demam atau jangkitan memerlukan sebarang antibiotik dan ia bukan penyembuhan magik untuk semua penyakit.

Timbalan Menteri Kesihatan, Dr. Lee Boon Chye memberitahu, contohnya jangkitan viral, tidak memerlukan sebarang antibiotik dan orang ramai tidak perlu meminta antibiotik daripada doktor untuk setiap penyakit.

Boon Chye menekankan supaya golongan profesional kesihatan agar tidak silap dalam memberi antibiotik.

“Kami juga berharap syarikat farmaseutikal bertanggungjawab terhadap etika dan pemasaran yang bertanggungjawab dalam usaha mempromosi ubat-ubatan mereka.

“Dalam industri pertanian, kita berharap kawalan dalam penggunaan antibiotik bagi menggalakkan pertumbuhan dan dalam penternakan.

“Ini kerana, semua penggunaan antibiotik itu menyebabkan terikan rintangan ke atas bakteria yang akan merembes menerusi alam sekitar dan akhirnya dalam tetapan kesihatan manusia,” katanya ketika ditemui selepas merasmikan Bengkel Serantau Asia Mengenai Rintangan Antimikrobel di sini semalam. – Bernama

AKHBAR : KOSMO
MUKA SURAT : 14
RUANGAN : NEGARA

Kes chikungunya di Alor Setar meningkat

Oleh NORLIDA AKMAR IDROS

ALOR SETAR - Seramai sembilan lagi penduduk di sekitar rumah kedai berhampiran pusat beli-belah City Plaza di sini dikesan mengalami gejala penyakit chikungunya menjadikan jumlah keseluruhan pesakit kini seramai 23 orang.

Pengarah Kesihatan negeri, Datuk Dr. Norhizan Ismail berkata, siasatan yang dilakukan Pejabat Kesihatan Daerah (PKD) Kota Setar kelmarin mengesan pertambahan mangsa yang mengalami gejala sama iaitu demam, sakit sendi dan ruam.

"Kumulatif kes yang dikesan sehingga pukul 5 petang semalam (kelmarin) adalah seramai 23 orang.

"Kebanyakan pesakit mendapatkan rawatan pesakit luar di klinik swasta sekitar Alor Setar dan keadaan mereka adalah stabil," katanya dalam satu kenyataan di sini semalam.



NORHIZAN

Katanya, hasil ujian darah mendapati seramai 15 orang disahkan positif chikungunya dan negatif dengan.

Dalam pada itu, menurut Norhizan, aktiviti kawalan vektor telah dijalankan dengan melakukan pemeriksaan premis di kawasan terlibat.

"Sebanyak 342 premis dan 1,355 bekas telah diperiksa dengan 16 premis didapati positif pembiakan nyamuk aedes. Sebanyak 10 premis dikenakan kompaun di bawah Akta Pemusnahan Serangga Pembawa Penyakit (APSPP 1975)," jelasnya.

Sementara itu, Pengerusi Jawatankuasa Kesihatan, Pembangunan Luar Bandar, Agama dan Syarikat Berkaitan Kerajaan Negeri, Datuk Dr. Ismail Salleh meminta supaya penduduk di kawasan terlibat tidak panik dengan penularan penyakit tersebut.

Menurutnya, tindakan kawalan dan pencegahan sedang dijalankan secara aktif



PEJABAT Kesihatan Daerah Kota Setar melakukan semburan kabus sebagai langkah kawalan dan pencegahan wabak chikungunya di Alor Setar semalam.

oleh PKD Kota Setar.

Penyakit chikungunya adalah disebabkan oleh virus chikungunya yang disebarluaskan oleh nyamuk aedes, iaitu nyamuk yang sama menyebarkan penyakit denggi.

Kosmo! semalam melaporkan seramai 14 penduduk yang berada di deretan ru-

24 kes Chikungunya dikesan di Kedah selepas pesakit mengalami demam, sakit sendi dan ruam

Musnah tempat Aedes membiak

Alor Setar • Dua puluh empat kes chikungunya dikesan selepas pesakit mengalami demam, sakit sendi dan ruam. Keadaan ini menyebabkan penyakit ini meluaskan jangkauannya di Kedah. Selain itu, penyakit ini juga boleh menyebabkan penyakit denggi. Untuk itu, kerajaan negeri melaksanakan operasi semburan kabus di seluruh negeri. Operasi ini bertujuan untuk mengurangkan populasi nyamuk aedes yang merupakan penyebab penyakit ini. Selain itu, kerajaan juga menggalakkan masyarakat untuk membersihkan rumah mereka agar tidak menjadi tempat bagi nyamuk aedes untuk berkembang.

KERATAN *Kosmo!* semalam.

mah kedai berhampiran City Plaza disyaki menghadap penyakit chikungunya selepas mengalami demam, sakit sendi dan ruam dengan gejala awal bermula pada 9 Jun lalu.

AKHBAR : SINAR HARIAN
 MUKA SURAT : 8
 RUANGAN : NASIONAL

15 sah positif chikungunya

Mangsa alami demam, sakit sendi dan ruam

WAN MOHD NOOR HAFTZ
 WAN MANSOR

ALOR SETAR

Seramai 15 orang yang tinggal di sekitar kawasan pusat beli-beli City Plaza, Alor Setar, Kedah disahkan positif chikungunya semalam.

Penemuan itu hasil pemeriksaan darah selepas mangsa mengalami demam, sakit sendi dan ruam dengan gejala awal bermula pada 9 Jun lalu.

Pengarah Kesihatan Negeri Kedah, Datuk Dr Norhizan Ismail bagaimanapun berkata, ujian darah untuk penyakit denggi pula adalah negatif.

Menurutnya, siasatan yang diteruskan Pejabat Kesihatan Daerah (PKD) Kota Setar mengesahkan tambahan seramai sembilan orang dengan gejala yang sama menjadikan

CHIKUNGUNYA

Selorong 24 Jun 2019

23 individu disyaki menghidap chikungunya di Alor Setar

Aktiviti kawalan vektor telah dijalankan :

- 342 premis telah diperiksa
- 1,355 bilangan bekas telah diperiksa
- 16 premis didapati positif pembabitan nyamuk
- 10 premis telah dilakukan kompaun di bawah Akta Pernubuhan Serangga Pembawa Penyakit (APSP) 1975
- Aktiviti senyuran kabus dalam sekitar 200 meter dari kawasan terlibat

Apa itu chikungunya?

Penyakit viral yang menjangkiti manusia melalui gigitan nyamuk yang telah dijangkiti

Tanda & Gejala

Masa intubasi/pemuliharaan chikungunya biasanya 3-7 hari

Gejala ini adalah ciri-ciri dengan demam tinggi, tetapi juga boleh jarang dilihat oleh pasien sebagai sindrom shock (shock syndrome)

Infografik Oramedia

Sumber : Jabatan Kesihatan Negeri Kedah & www.myhealth.gov.my

jumlahnya meningkat kepada 23 orang.

"Sehingga jam 5 petang semalam (kelmarin), jumlah kes dikesan sejak Sabtu lalu berjumlah 23 orang.

"Kebanyakan mereka mendapat rawatan pesakit luar di klinik swasta sekitar Alor Setar dan keadaan adalah stabil.

"Hasil ujian darah men-

dapatci 15 orang disahkan positif chikungunya manakala ujian darah untuk denggi adalah negatif. Dengan keputusan ujian makmal ini, wabak ini disahkan sebagai wabak chikungunya," katanya melalui satu kenyataan akbar di sini semalam.

Dr Norhizan berkata, aktiviti kawalan vektor telah dijalankan dengan

Dengan keputusan ujian makmal ini, wabak ini disahkan sebagai wabak chikungunya."

- Dr Norhizan

menjalankan pemeriksaan premis di kawasan yang terlibat membabitkan 342 premis termasuk memeriksa 1,355 bilangan bekas dan hasilnya 16 premis positif pembabitan.

Berikut itu, katanya, sebanyak 10 premis telah dikeluarkan kompaun di bawah Akta Pernubuhan Serangga Pembawa Penyakit (APSP) 1975 dan aktiviti semburan kabus juga telah dijalankan dalam sekitar 200 meter dari kawasan terlibat.

Kelmarin Sinar Harian melaporkan 14 penduduk yang berada di deretan rumah kedai berhampiran pusat beli-beli City Plaza di sini disyaki menghidap penyakit chikungunya.



FOTO: JABATAN KESIHATAN NEGERI KEDAH

Keduduk air bertakung yang dilokan oleh Jabatan Kesihatan Negeri Kedah di Alor Setar.



Seorang pesakit yang disyaki menghidap penyakit chikungunya di Alor Setar mendapatkan rawatan.

AKHBAR : SINAR HARIAN
MUKA SURAT : 12
RUANGAN : NASIONAL

Perlu dirawat, bukan dihukum

KDN dan Kementerian Kesihatan bersetuju melaksanakan decriminalization ke atas penagih dadah

PUTRAJAYA

Penagih dadah di negara kini tidak lagi dilihat sebagai persalah jenayah yang perlu dihukum, sebaliknya pesakit yang memerlukan rawatan dan pemulihian.

Takrifan itu dicapai susulan perbincangan antara Kementerian Dalam Negeri (KDN) dan Kementerian Kesihatan di sini semalam yang bersetuju untuk melaksanakan *decriminalization*

ke atas penagih dadah.

Bercakap kepada pemberita selepas perbincangan itu, Menteri Dalam Negeri, Tan Sri Muhyiddin Yassin berkata, pelaksanaan *decriminalization* itu akan melibatkan program rawatan dalam komuniti dengan memperkasakan peranan ahli keluarga dan masyarakat.

KDN akan bekerjasama dengan Kementerian Kesihatan dalam program *harm reduction* melalui terapi dadah gantian metadone dan *joint management* kes-kes dual diagnosis yang dilancarkan oleh Pusat Pemulihan Penagih Narkotik (Puspen) di Tampoi dan Hospital Permai di Johor, katanya.

Menurutnya, terdapat 70,000 tahanan penjara di Malaysia ketika ini dengan sebahagian besar daripadanya adalah penagih dadah.



Muhyiddin (kiri) dan Menteri Kesihatan, Datuk Seri Dr Dzulkefly Ahmad pada sidang media selepas mengetahui delegasi kedua-dua kementerian semasa mesyuarat berkaitan isu kesihatan membabitkan Kementerian Dalam Negeri (KDN) di Putrajaya semalam.

"Dengan proses *decriminalization*, tahanan penjara yang dikategorikan sebagai penagih dadah akan diberi rawatan dan

pemulihian," katanya.

Beliau berkata, KDN juga sedang mengkaji untuk mengeluarkan Seksyen 6, 8 dan 9 Akta

Penagih Dadah (Rawatan dan Pemulihian) (APD) daripada di-daftarkan di bawah Akta 7 (Akta Pendaftaran Penjenayah dan Orang Tidak Diingini 1969) bagi memberi peluang kedua kepada penagih yang telah pulih dan dibebaskan daripada pusat pemulihian Agensi Anti Dadah Kebangsaan (AADK).

Menurutnya, turut dibincangkan ialah isu penyakit berjangkit di penjara, lokap, pusat tahanan dan depoh tahanan KDN.

"Maklumat terkini Jabatan Penjara mendapat seramai 16,955 banduan turut dikesan mempunyai penyakit berjangkit.

"KDN dan Kementerian Kesihatan akan bekerjasama menguruskan masalah penyakit berjangkit di tempat tahanan KDN," katanya. - Bernama

Penggunaan naltrexone dalam kajian

PUTRAJAYA - Kementerian Kesihatan akan memutuskan sarna ada naltrexone boleh digunakan sebagai antidot atau terapi gantian pemulihan penagih dadah sebaik sahaja kajian menyeluruh selesai dalam masa terdekat.

Menterinya, Datuk Seri Dr Dzulkefly Ahmad berkata, ketika ini pihak kajian kementerian sedang menerlititi kegunaannya melibatkan aspek peraturan dan kegunaan kesihatan bagi menjadikannya sebagai amalan dalam kesihatan.

Menurutnya, penggunaan ubat jenis naltrexone iaitu dadah jenis baru dikatakan mampu merawat pelbagai ketagihan khususnya dadah.

"Saya tahu ada permintaan beberapa pihak untuk gunakan naltrexone bagi rawatan pemulihian, di mana kita telah mulakan dengan methadone.

"Permintaan tersebut sedang kami proses dan kami perhatikan juga dari sudut peraturan untuk jadikannya amalan kesihatan, namun ia memerlukan se-dikit kajian."

"Saya rasa dalam masa terdekat kita dapat tentukan untuk kita gunakan sebagai terapi gantian" katanya pada sidang media

NALTREXONE

- Sejenis ubat yang digunakan bagi merawat masalah kebergantungan dadah jenis opioid.
- Penggunaan naltrexone juga dipercayai mempunyai kesan sampingan seperti pening, mual, kelelahan dan kesukaran untuk tidur.
- Pengambilan terapi gantian ini dipercayai dapat menghalang ketagihan seperti dadah dan alkohol.



selepas mesyuarat bersama Kementerian Dalam Negeri (KDN) di sini semalam.

Beliau berkata demikian ketika diminta mengulas mengenai permintaan permain industri klinikal yang mahu menggunakan naltrexone sebagai terapi gantian seperti methadone.

Turut hadir ialah Menteri KDN, Tan Sri Muhyiddin Yassin dan Ketua Pengarah Kesihatan, Datuk Dr Norhisham Abdullah.

Sementara itu, dalam perkembangan berlainan, Dr Dzulkefly mengesahkan terdapat 70 kes baharu melibatkan sesak nafas yang berlaku di Pasir Gudang, Johor.

Namun, katanya, tiada

kes dimasukkan ke unit rawatan rapi (ICU) atau kematian direkodkan membabitkan kejadian tersebut.

"Setakat jam 12 tengah hari ini (semalam), sebanyak 101 kes sesak nafas telah dilaporkan berlaku di kawasan berkenaan," katanya.

Terdahulu, kejadian sesak nafas melibatkan 30 pelajar dari Sekolah Menengah Tanjung Puteri Resort dan terbaru di Sekolah Menengah Taman Rinting 2 kembali mengundang kebimbangan penduduk di Pasir Gudang, susulan insiden sama yang berlaku beberapa bulan lalu.

AKHBAR : UTUSAN MALAYSIA
MUKA SURAT : 2
RUANGAN : DALAM NEGERI

75 mangsa terbaharu pencemaran udara

Oleh MOHAMAD FAIZAL HASHIM
pengarang@utusan.com.my

■ PASIR GUDANG 24 JUN

SERAMAI 75 orang menjadi mangsa terbaharu pencemaran udara di daerah ini hari ini yang kebanyakannya pelajar sekolah.

Menteri Besar, Datuk Dr. Sahruddin Jamal berkata, semua mereka menerima rawatan dan pemeriksaan di Hospital Sultan Ismail (HSI) Johor Bahru.

"Daripada jumlah tersebut, hanya empat pesakit yang masih menerima rawatan di wad biasa HSI dan tidak memerlukan rawatan intensif. Insiden melibatkan gangguan kesihatan itu melibatkan mangsa dari 15 sekolah.

"Antara yang terjejas Sekolah Menengah Kebangsaan (SMK) Tanjung Puteri Resort, Sekolah Kebangsaan (SK) Taman Pasir Putih, SK Pasir Gudang 2, SK Pasir Gudang 1, SMK Bandar Seri Alam 2, SMK Taman Pasir Putih, SK Tanjung Puteri Resort dan SMK Bandar Seri Alam.

"Turut terjejas, SK Taman Rinting 2, SK Taman Rinting 3, SK Desa Cemerlang, SK Kota Masai, SMK Taman Megah Ria, SK Pasir Putih dan SK Taman Megah Ria 2," katanya dalam sidang akhbar selepas melawat Pusat Gerakan Operasi Pemantauan di Stadium Majlis Perbandaran Pasir Gudang (MPPG) di sini hari ini.

Yang turut hadir Menteri Kesihatan, Datuk Seri Dr. Dzulkefly Ahmad serta Timbalan Menteri Tenaga, Sains, Teknologi, Alam Sekitar dan Perubahan Iklim, Isnaraissah Munirah Majilis.

Difahamkan pada hari ini tiada sekolah yang ditutup dan pelajar yang terjejas itu menerima rawatan di Stadium MPPG dan HSI.



SEORANG pelajar rebah dipercayai terhadu udara tercemar terpaksa dipapah gurunya di Sekolah Menengah Kebangsaan Pasir Putih, Pasir Gudang, semalam. - UTUSAN/NUR AISYAH MAZALAN

Sementara itu, Dr. Dzulkefly berkata, Kementerian Kesihatan mengesahkan kandungan toksik dalam bahan kimia yang ditemui pada pesakit yang terjejas pencemaran udara di sini sejak Khamis lalu tidak berada pada tahap membimbang.

Jelas beliau, pihaknya masih belum mengenal pasti bahan kimia yang menyebabkan insiden gangguan kesihatan hingga mengakibatkan sesak nafas dan muntah-muntah.

Katanya, sebatian kimia yang ditemui hanya 134 partikel per juta (ppm) ditemui pada pesakit tidak berada pada tahap toksik yang tinggi seperti berlaku dalam kes pencemaran di Su-

ngai Kim Kim pada Mac lalu.

"Yang penting daripada sudut klinikal, keracunan toksik dan perubatan, ia tidak begitu di tahap membimbang. Kandungan toksik itu ada tetapi ia tidak seperti bagi kes Sungai Kim Kim yang menyebabkan dimasukkan ke unit rawatan rapi (ICU)."

"Ia hanya menyebabkan muntah dan sesak nafas. Bahan itu tidak dikenal pasti dalam urin dan sampel darah mangsa kerana bahan ini berkemungkinan mempunyai separa hayat yang pendek dan bertahan dalam masa lima jam sebelum dikumuhkan. Kita berada di peringkat akhir untuk mengenal pastinya," katanya.

AKHBAR : NEW STRAITS TIMES
MUKA SURAT : 11
RUANGAN : NATION/NEWS

FEVER, JOINT PAINS, RASHES

Suspected chikungunya cases in Alor Star rise to 23

ALOR STAR: Nine more suspected cases of chikungunya were recorded here, bringing the total to 23 cases up to 5pm yesterday. Bernama reports.

Kedah Health director Datuk Dr Norhizam Ismail said 15 people were tested positive for chikungunya based on blood test results after they displayed symptoms, such as fever, joint pains and rashes.

He said vector control activities had been conducted on 342 premises and 16 were found to be positive for mosquito breeding.

Ten premises were slapped with compounds under the Destruction of Disease-Bearing Insects Act (APSPP) 1975, and fog-

ging was carried out within 200m of the affected areas.

"The Kota Setar district Health Department is carrying out preventive and control measures, including area case detection, health awareness, as well as checking and destroying mosquito breeding sites around the residential areas and business premises."

Norhizam advised residents, especially those in Jalan Tunku Ibrahim, who experienced fever and joint pains to seek immediate treatment.

On Sunday, 14 people living in a row of shophouses near City Plaza here displayed symptoms of the disease, such as fever, joint pains and rashes.



Fourteen more people living in a row of shophouses near City Plaza, Alor Star, were found to have the symptoms of chikungunya. PIC BY AMRAN HAMID

AKHBAR : THE SUN

MUKA SURAT : 6

RUANGAN : NEWS WITHOUT BORDERS

'Not all fever, infections need antibiotics'

GEORGE TOWN: The public have to be informed that not all fever or infections need antibiotics as it was not a magic cure, said Deputy Health Minister Dr Lee Boon Chye yesterday.

He cited viral infection as an example and said patients should not demand antibiotics from the doctor for every ailment.

Lee said health professionals should not prescribe antibiotics unnecessarily and urged pharmaceutical companies to practise ethical and responsible marketing.

"Antibiotics, if used excessively, will eventually be ineffective," he said after opening an Asian regional workshop on

antimicrobial resistance (AMR).

The three-day workshop will feature discussions on AMR and sharing of information among Asian countries.

Policy makers from the health, agriculture and environment ministries and experts from 16 countries will participate in the workshop.

Lee said the government has set up an AMR committee and stewardship programme in government hospitals to provide guidelines on the use of antibiotics.

A UK review on AMR had projected that there would be 10 million deaths globally from AMR in 2050 and nine million will occur in developing countries. - Bernama